

# CEUD LEABHAR MHAOIS,

D'AN AINM

## GENESIS.

C A I B. I.

**S**AN toiseach chruthaich Dia<sup>a</sup> na neamhan agus an talamh.

2 Agus bha'n talamh gun dealbh<sup>b</sup> agus falamh<sup>c</sup>; agus bha dorchadas air<sup>d</sup> aghaidh na doimhne<sup>e</sup>; agus bha Spiorad Dé a' gluafad<sup>f</sup> air aghaidh nan uisgeacha.

3 Agus thubhairt<sup>g</sup> Dia, Biodh solus ann: agus bha solus ann.

4 Agus chunnaic<sup>h</sup> Dia an solus, gu'n robh<sup>i</sup> e math<sup>k</sup>: agus chuir Dia dealachadh eadar an solus agus an dorchadas.

5 Agus dh'ainmich Dia an solus Là<sup>l</sup>, agus an dorchadas dh'ainmich e Oidhche: agus b'iad am feasgar agus a'mhadainn an ceud là.

6 Agus thubhairt Dia, Biodh athar<sup>m</sup> 'am meadhon nan uisgeacha, agus cuireadh e dealachadh eadar uisgeachan agus uisgeacha.

7 Agus rinn Dia an t-athar, agus chuir e dealachadh eadar na h-uisgeachan a bha fuidh'n athar, agus na h-uisgeachan a bha os cionn<sup>n</sup> an athair: agus bha e mar sin.

8 Agus dh'ainmich Dia an t-athar Neamh: agus b'iad am feasgar agus a'mhadainn<sup>o</sup> an dara<sup>p</sup> là.

9 Agus thubhairt Dia, Cruinnichear na h-uisgeachan a ta fuidh neamh a dh'aon aite, agus leigear ris am fearann tioram<sup>q</sup>: agus bha e mar sin.

10 Agus dh'ainmich Dia am fearann tioram Talamh, agus cruinneachadh nan uisgeacha dh'ainmich e Fairgeachan<sup>r</sup>: agus chunnaic Dia gu'n robh e math.

11 Agus thubhairt Dia, Thugadh an talamh a mach feur, luibh a ghineas sìol, craobh-mheas a bheir a mach meas<sup>s</sup> a réir a gnè<sup>t</sup>, aig am bheil a sìol<sup>u</sup> innte féin air an talamh: agus bha e mar sin.

12 Agus thug an talamh a mach feur, luibh a ghineas sìol a réir a gnè, agus craobh a bheir a mach meas, aig am bheil a sìol innte féin a réir a gnè: agus chunnaic Dia gu'n robh e math.

13 Agus b'iad am feasgar agus a' mhadainn an treas là.

14 Agus thubhairt Dia, Biodh soluis<sup>v</sup> ann an speuraibh nèimh a chur dealachaidh eadar an là agus an oidhche, agus bitheadh iad air fon chomharan<sup>w</sup>, agus air fon aimfirean, agus air fon lài<sup>x</sup>, agus bhliadhnacha.

15 Agus biodh iad mar sholus

<sup>a</sup> an t-Uile-chumhachdach. <sup>b</sup> gun chumadh, gun dreach. <sup>c</sup> fàs: solamh. Eir. <sup>d</sup> er. <sup>e</sup> an aigein. <sup>f</sup> a' gur gu caomh. <sup>g</sup> thuirt; a dubhairt. Eir. <sup>h</sup> chonnairc. Eir. <sup>i</sup> go. Eir. <sup>j</sup> ro; raibh. Eir. <sup>k</sup> maith. <sup>l</sup> ghoir Dia do'n t-solus Latha. <sup>m</sup> aidhear, iormoilt, speuran. <sup>n</sup> os ceann. <sup>o</sup> do budh e an nòin agus an mhaidean. Eir. <sup>p</sup> darna. <sup>q</sup> an talamh tioram, an àir thioram. <sup>r</sup> maranna, cuanta. <sup>s</sup> a thilgeas meas, air am fàs meas. <sup>t</sup> cineil, feòrta. <sup>u</sup> fras, ros. <sup>v</sup> lè-chrain. <sup>w</sup> mar chomharthan. <sup>x</sup> làithe.